

A Monthly Christian Magazine


AN ORGAN OF THE ZOU PRESBYTERIAN CHURCH SYNOD

Christian Tangkou

ဗြဟ္မကမ္ဘာတံခွဲ တိဝေဒနာပညာ

Vol. 57 || No. 6 & 7

June & July, 2021



Editor: Rev. Khamchinkhai

Synod Kumpuon:

[Mathiu 6:10]

NA GAM HING TUNG HEN

Khristian Tangkou

Vol. No. 57 || Issue No. 6 & 7 || June & July, 2021

A sung thu

Editorial Board

Editor : Rev. Khamchinkhai - 8730933744
 Joint Editor : Rev. Dr. Hangpi Maunlun - 9862910875
 Cir. Manager : Upa Jamsianmung - 9862086615
 Bus. Manager : Upa Kamgenpau - 8974612937
 Ms. Niangkhanmang
 Nh. Tracy Niangsuannuam

Cont. Editors : Upa Khupsuantham - 9856406454
 Rev. Awnkhanthup - 9862828921
 Rev. Thangboi Khuongsai - 8119957887
 Rev. Khamminlian - 8414998542
 Rev. P. Ginzalal - 8131814376
 Upa Dr. M. Lachinkhai
 Upa Jamgenthang
 Upa M. Lianminthang

ZOU SYNOD ULIENTE

- **Moderator:**
Rev. Kapsuanthang
- **Moderator Elect:**
Rev. Mangmuanthang
- **Secretary (Sr):**
Upa M. Kamzadou
- **Secretary (Jr):**
Upa Chinsuanthang
- **Treasurer:**
Upa M. Sianzahau
- **Statistician:**
Upa Suankhanmang
- **Executive Secretaries:**
Rev. Khamchinkhai
Rev. Dr. Hangpi Manlun

- Editorial..... 01
- Thu tuomtuom & Thumpi ding 04
- Lawchinna lawsam..... 05
- Pasianni leh Sabath ni 07
- Na Gam hing tung hen 11
- Nang imu khanglou in 13
- Laisiengthou hing zilsah 15
- Khochin Sawmakhat sun dan17
- Suunna..... 21
- ZPWF Column 24

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

EI ADING IN MANGPA HOI HI

(Sam 100:5)

Joint Editor

1). Pulahna.

Awle ithupi uh, “Ei ading in Mangpa hoi hi” Sam 100:5, na pansanin ikikum ding uhi. Tam khawvel itenna mun khu nichin hun chin a shina man na leh thusia lasia kiban tawlana munte ah Mangpan mimal chinte chidam ludamna ang pieh ziehin lungdam thu i gen masa uhi. Tualeh, Kaalate 3:22, “Mangpa khotuona zieh a neh mang a umlou ihi aziehpén alainatnate a zua ngaisih hi. Zinmong chin in atha zing hi...” achi bang in a hi. Tuaban ah imi-le-sa tamtah leh it-le-ngai ten jong shina hanmuol ang muollien san nua ua, eiten hina damna i tan laziehun lungdam thu igen sonson uhi.. Tuate ban ah, idu ingai nethei a, daileng thei, zun tha thei leh natna huaisie thuohlou a ium ziehun Mangpa ei ading ahoi hi chi ang musah hi .

2). Ei a ding in Mangpa hoi hi, Azieh ahileh ahundamna silthawnpieh ang pieh ban ah ata nu/tapate ding a ang siem zieh in.

Mangpan tam khawvel leh asung a sil umzousie asiemlaiin, akam a thuin asiem a, hing um hen achi leh ang um mai hi. Ahin nang-le-kei hundamna ding ang siemsah laiin atapa sisan toh ang tat ziehin ei ading in Mangpa hoi hi. (Nasepte 20:28). Thamlouin, Mangpa Jesun jong hinna khat maimai anei khu nang-le-kei kumtawn gotmun meidil aumding lai ang lungsiet sengseng zieh a, ahinna ang

pieh ban ah, Apa gam a siempu ding a ang siem ziehin ei ading in Mangpa hoi hi. Aman “Min alawm ading ahinna apieh val a lungsietna sang jaw aum sih” achi hi. Steven in, Mangpa thuohna angaitua chieng in, “Shi ding a kilawm kei ka hintheina ding in, hing ding a kilawm ashi hi” achi hi. Tuachin, Ama gingtate leh nuazuite ihi ua, Kumton hinna laibu a, avan gam luo ding a imin jong ang chiemte pieh zieh in ei a ding in Mangpa hoi hi.

2). Ei hattuomte khu Mangpan Israel tha ang pom ziehin ei ading in Mangpa hoi hi.

Mangpan tam khawvel a hundamna thu tangkoupi ding in leitung a chi-le-nam tamtah lah ah, Israelte ana tel in ana bel guot hi. Ahin, Amauten Mangpa lemguotnate na supiching zoulouin ana umtah ziehun, Mangpan amaute tha heng ding in atapa sisan toh ei hattuomte ahing lei in ang telta hi. Tualeh ei hattuomte khu tahsa-le-sisan dan hilouin, ginna toh Israel tha ihita ua, ban ah Abraham tate jong ihita uhi. Muthei leh sisan a ihina mai uh ahisih a, ginna leh mutheilouin ihi jaw uhi. Tambang lawmlawm a din mun tha a hing ding sah Mangpa khu ei ading in

hoi hina mai zen e maw!

Thamlouin, Amou siengthou ding a ang tel hattuomte zong ihi uhi. Van Jerusalem tha kotpite ah Israel Nam sawmle-nite min akigiel chiet uhi. Ahin ei hattuomte khu nikhat nichiang in Mangpa Jesu mou siengthou dingte ihiziehun, Ama toh van lai jawl ah ikiteng ding ua, thamlouin, tuami kot sawmle-nite ah Mangpa Jesu toh mou poi Anna za luina neding a alut dingte ihiziehun thupi in Mangpa ei ading in hoi na lawmlawm e maw.!

3). Mangpa Pasion in alim-le-mel sun asiem mihingte ihiban uah a Hagau silpiehte angpieh ziehin Mangpa hoi hi.

Mangpan ei mihingte khu ama lim-le-mel sun in ang siem ban ah a thupinate ang kitanpi ngam ziehin ei a ding in Mangpa hoi hi. Eite satan khu Van Angel simseng louten atanpha lou ban uah masanglai misengthouten jong atangphah guollou itan ziehun ihampha uhi. Tuaban ah Van gam itunchiang un zong Van Angelte toh Mangpa phat a asun ajan a lamkhawm dingte ihiban uah, Amaute khu eite nnasemtu dingte ahiziehun un ei

ading in Mangpa hoi hi. Tuaban ah a Hagau Siengthou ban ah hagau silpiehte jong it lou a ei gingtute hagau khan letna ding leh a hattuomte pichinna ding ang pieh jiehin Mangpa hoi hi. Tuaban ah i Mangpa khu nang-le-kei ading a mun bawl ding a Van a vapei ahiban ah, nikhat ni chieng a nang-le-kei la ding a Mangpa hing peikia ding ahiziehin ei ading in Mangpa khu a hoi hi.

4). Mangpan kum sangni val hattuomte hun angpieh ban ah, Amanggam nnasepna ding a hun hoi ang pieh ziehin Mangpa hoi hi.

Mangpa Jesu pien akipat tuni dong khu hepina hun or hattuomte hun leh Amang gam nnaseptheina ding a hun ang pieh lai ziehin in Mangpa hoi hi. Tuaban ah achingloute ching bang ahingbawl a Amanggam nnasem ding a hun hoi hun manpha ang bawlsah ban ah, aluongkhiethei hattuom a ang siem ziehin Mangpa hoi hi. Thamlouin nikhat nichiang in iseptha man itlou kei ang pia kia ding Mangpa inei ziehin Mangpa hoi hi.

5). Mangpan inichin mawna leh khelnate hing thuh lou a ang ngaidam jeljel ziehin Mangpa hoi hi.

Mangpa khu lungsietna leh itna Pasian ahibang ngei a ei gingtute khu achinglou leh hatloute ihiziehun inichin gitlouna leh khelnate uh Mangpan hing thuh lou a ang ngaidam jeljel Mangpa inei ziehun Mangpa hoi hi.

6). Mangpa innsung nuom leh tanu/tapa hoi tahtahte ang pieh ziehin ei ading in Mangpa hoi hi.

Tulai khawvel in sietna lam manaw akalsuon jungjung lai a, Khristian innsung nuom tahte ban ah tanu/tapate ang pieh ziehin ei ading Mangpa hoi hina e maw. Thamlouin, a enkawl thei lai ding a nu-le-pa hoi tahtahte ang pieh ziehin ilung dam mama uhi. Tuaziehin Sam geltuin a guoljawlna sim sengloute ziehin Mangpa bang ka pe dia achibang in itahsa, ihinna leh siemna pilnate Manggam nnasepna ding leh agam letna ding ipia ding uhi. Mangpan simtute zousie hing guoljawl jingta hen! Amen.

Thu tuomtuom leh Thumpi dingte



- 1). Zou Synod leh ZPYF ten P. Khupgou veng a High School project inei uh toh kisai mun-le-muol leina ding in ZPYF Project Committee ten ngetna ineina uah Pu. Ginsuanhau Zou, MLA Singngat AC in Rs. 3,00,000/- (Three lakhs)- i mun-le-muol leina ding a ang tuoh ziehin lungdam thu gen uhi. Ama leh a innsung mite Mangpa Pasion in umpi in guolzawl zingta hen aw.
- 2). Missionary nbasep na ding a mi bangzat e khat in Synod tungtawn a chawmna (sponsore)- ang nei bangun, Mrs. Tingzavah of Tuibuang P. Church, Treasurer ZPYF leh a innkuonten zong hachin a Rs.1000/- (Sangkhat) apang ding in pan ang lahna tung uah lungdam thu igen uhi.
- 3). Leitung pul natna in i gamsung hing nawh in ei Synod mi-le-sate tung tanpha ah natna leh shina hing tung ahitah zieh in bangkim bawltheipa Pasion kung ah thum chiet va ui. Tam natna zieh in Pasion i bieh ding bangtah un i be thei nawnsih ua, Biehinnte luo lou a um Pasion mapuina toh luo kia a, Amiten Ama i bieh ding bangtah ua i bieh kia theina ding un chitahtah in thu chiet va ui.
- 4). Khrist a i unaute uh Myanmar a umte Sepai thahatna a lah ahi apat thuni tan in a gam uh galmuon theilou in i seppi uh Presbyterian Church of Myanmar mi-le-saten zong thuohkha uh ahina ah Myanmar gam sung a Mipi deitel Vaihawmna a hing um theina ding in i thumna uah lan chiet va ui.

LAWCHINNA LAWSAM

Rev. Dr. Kh. Khaizakham

Thumapui :

Lot khu Abram (Abraham min masa) innsung a ana umlai in Abram innsung maitam in ana huopkha zing hi. Hinanleh, agantate leh agan chingte uh kikal a buoina leh kithei siem louna ahing um a kipat akikhen uh ahing ngaita hi. Abram in, pichingtah in Lot khu deitelna apie a, Lot tellouna lamlam a peiding in a kisata hi (Gen. 13:5). Lot in Phaijang Khopite a tending ateltah ziehin, Abram in muoltung lam ah apeita hi. Lot in Sodom khopi lam zuonin apuonbuh asuon zel a, tuachin a kisuon lotta hi.

Akikhen nua un Abraham in maitam asiempai ngal a (Gen. 13:18), Lot ahileh Pasian apat agamlata deudeu mai hi. Gen 17:5 ah Pasian in Abram khu Abraham chi min pu in nam tampite pa hi dingin a guotta hi. Tambang hunlaiin Lot khu Sodom khopi lam ah khosa theitah leh teng thei tah in ana umta hi. Hinanleh, adahuoi pen khu Sodom ah hagau lama ngiem tahin a um a, atenna khopi zong Pasian mitmu a agitlouna huoisiet seng zieh ua suhsiet ding a um ahinalai set hi.

Sodom khopi a Pasian theiloute Pasian hing be dingin Lot in bangzat amakhat beh anapui lutva chia agintat ziehin Pasian in Sodom khopi suhsiet asawm lai in midih sawmnga beh aum leh susie lou dingin Abraham in ana ngen ngutngut hi. Pasian in

zong Abrham ngetna apawm pieh hi. Hinanleh, sawmnga aumlou ziehin, sawmli, sawmthum, sawmni, sawm khat tan in achisuhpeh a, sawmkhat zong aumlou bep in Abraham in Pasian masang a thumna akawlsanta hi. Lot in a innkuonte toh sim a mi sawmkhat Sodom khopi a Pasian hing beding ananei zoulou khu Abraham in lamdang sa mama va maw!

Lot in Manga lampa koima napui khalou ahimaidan hi. Angelte'n Sodom khopi asuhsiet ding kuon in Lot khu atanute leh atanute kitenpi (mahpa)-te'n 'Chiemnui' bawl hiva, ana chisan giep ua, koiman athudawn sih uhi (Gen. 19:14). Pa khat hisam, atu atate gintat a umlou zieh uh hilou ama? Pate tamtah tate'n agingtat zou nawnta sih uhi.

Koima mi hoi bukim ium sih a, tuakhu taten zong a thei chiet uhi. Hinanleh, itaten ahing gintat theina dingin ahoizousie bawl bukim zou sih lei zong, ahoilou hi a iteite beh tawpsan thei lei, tua khu itate'n ahing gintat na dingun sil poimaw vawt ahi ding hi. Naupangten athu ihilthaw sangin i hinna a imusah khu alathezaw uh chi ginta in, kisiempatna in mang zaw va-ui.

Lotte innkuon in zom talei, Sodom khopi suhsiet ding ahita a, Angelten taidoh ding a chiel/sawl lai un Sodom Khopi ah ama-un zong hadet mamata ahingei ding ua, utlou kawmkawm a, bantang a kaikhiet ngai in aumta uhi (Gen. 19:16). Atanu mouthasate, amahpate leh atute khu Sodom Khopi toh katum dingin anua siata uhi. Tuamai ah beilou in Lot zi in Sodom khopi tahsa in pawtsan nanleh a lungsim aum den nalai a, Pasion thupieh zoplou a, akinuaheh leh chi khuom asuohta a, khuom/ suongpi bangin ading gawta hi (Gen. 19:26).

Lot leh a tanute mini asuohta hamham uhi. Hinanleh, apa suon mang ding, a khawhsah ziehin, zu dawnkham sah in aluppi ua, nau apaita gel uhi. Ahin, Moab leh Ammon suonte

ahing suong kheta uhi. Tami namte khu Israelte subuoi zingtu dingte ahing hitazel uhi (Gen. 19:36-38).

Lot akipatin tulai Paten zil ding tam tah inei uhi. Etton ding lam hilouin, pilvan na ding lam ah itate hagau lam a puihuoi a siem pichin ding manghil phial phial in khawel sum leh hausatnate isui uhi.

Tam tahten i suibang un imu ngei ua; hinanleh ingaisah lou dungzui in itate itan law zaw zel uhi. Tulai solkal lam a i Officer tamtahte zong i et leh khangkhat sung hausat mai ding atup ziehun, "Corruption" lah ataluo umsahta lou un neh thei zousie ane ua, ahausu gawp pawl atam mama uhi. Hinanleh, khang nina tan thuoh zouta lou hiva un, igou manpha pen itate ma ban kinepna neilou in aum siengta uhi.

Sum-le-pai muna dihlou a inn thupi tahtah lam a, aluodingte suongkul leh Rehabilitation centre tevel a kikoi siengta chipen bang phatuom ding ata diei? Sana dangka leh building thupi tahtah a gou ikhol a itate mansuo kha a kithaman na ding amah? Gou neilou mahajawn gou neilou Officer hing kihikha zel zel ding

ahi chi sil zau umtah ahi.

Nehguhna lemtang a negu zungzung theite vangpha leh “chethei” isahlai in hunte hing bei ding kuon ahita hi. Officer chietchiet zong a dinmun kibatpite lah a (chitah zieh a)-genthei zawte ngaisang hun hingtung ding ahita a, sum negulou Officer te mawl/ngawl isahlai hunte beiding ahita hi. Ahalaw a lungkim a (lungkimna kham ding solkal in zong pezing a), ginumtah leh dihtahtah a sem a gentheilaw hialte pilna hing kilang deudeu ding ahita hi.

Tambang innsung a khanglien tate khu lam zang deudeu ding ahita uhi.

Unaute, isil etdan uh suhlam dang hun hita hi. Lawching ngal a, lawsam chilouna dingin, Mangpa hing thupieh bangin itate Mangpa lampi ah pui vai. Tate khu Mangpa a kipat imu gou manpha pen ahingal uhi. Min leitung a adeizou sie nei henlen atate mansuota leh bangma phatuom lou ding ahingal hi. (Note: Tami article khu Muanna Aksi April, 1997 a kila sawm ahi).

PASIAN NI LEH SABBATH NI TOH KISAI THUDIH

-Rev. Stephen Khupsianlal

1). Thumaui.

Thuhun Tha a Hattuum masate'n Pasion Ni a biehkikhopna ana pat u'khu Khristian gingtute'n akizui tou zel hi. Tam khu atheisiemlou khenkhat ten, Gamsa chiemtena (666)- neina bang in ngaituo uhi. Tualeh, akhente'n Nisa pasien biehma bang in zong ngaituo uhi. Tambang ngaituonate khu adih sih hi, aziehpén Gamsachiemtena khu Rapture zouchieng a kihawm pan ding ahibou a, tualeh hapta kaal khat a ni masa pen khu tulai ni simdan ah Sunday akichi zieh a Nisa biehma ahi tuom sih a, Bible zilsahna toh akituo ei chi ngaituo leh theichien masat poimaw hi.

Jesu Khrist gingu leh nuazui masate'n I Mangpa'n Thuhun Tha Hattuum gingtute a dinga atunding Pasion Ni khu ama loupina piehna Ni leh ahing zilsah bang in zatat tah in akizui zaw hi.

2). Pasion Ni khu Mangpa Jesu Thawkia Ni ahi.

Mak 16:9-ah khun “Tuachi’n Jesu khu nipikal khat ani masa pen zingkal matah a athawkia ni in, Mary Magdalene, a sunga pat dawi sagi anawdohna nu kungah a kilah masa pen hi,” chi a kimu hi. I Mangpa ‘Thawkina Ni’ ahiziehin nikhuo/nidang toh apoimawna akibang thei sih a, tuazieh in Thawkiani in Mangpa ibieh uh ahi.

2.i). Pasion Ni in Mangpa khu Nuzuite kungah kilang hi.

Johan 20:19- ah “Tuani mama nipikaal khat ani masa pen nitah lam in, nuazuite mun khat ah a um khawm ua, Judate a giin zieh ua, kot kikha khum uh hinapi, Jesu a hing pei a, alah uah a hing ding a, akung uah “Na tung uah hamuonna um hen,” achi hi. Pasion Ni in I Mangpa khu thawmhau leh mangbang tah a um nuazuite kungah vakilah in ava hamuon hi. Tuabang ma in, gingtute khun Pasion Ni in biehpiehna kinei khawm in khat leh khat Pasion Thu in ikihanthawn un ikihamuon tuo zel uh hi.

2.ii). Pasion Ni in Mangpa Jesu’n Pasion Thu hil hi.

Kleopa te lawmta Emmau khuo zuon a peite kungah iMangpa’n Laisiengthou thu ana hilchien ahi. Luk 24: 27- “Tuachi’n Mosi leh guolneite zousie laibu a kipat Pasion Laisiengthou pumpi a Ama tungtang kigielte akung uah a hilchien ta hi.” I

Mangpa Jesu’n hapta kaal masa pen ni a Bible thu hilchienna a ana zah bangin gingtuten zong Pasion Ni in Pasion Thu kihilnate in hun manpha I zang tou zel uh ahi.

2.iii). Nuazuite khu Pasion Ni in a kikhawm uhi.

Nasepte 20:7- ah khun “Nipi kaal ni masa pen ni’n nuazuite tanghou balkeh dinga ahing peikhawm lai un, Paul in azing ni a pei atup ziehin ama uh kungah thu agen a, zankim dongin aki houlimpi a thu ahil zom toupeh hi,” chi akimu ahi. Gingtu masate bawl bangin eiten zong I Mangpa guolzawl na imute uapat Pasion Ni in ihi ngai bang un tuohkhawm itawikhawm zel ta uh hi.

I Korinth 16:2-ah, Sawltah Paul in “Ka hing pei chienga tuohkhawm donna a umlouna dingin hapta kaal khat a ni masa pen in Pasion in ahing guolzawl na bangin michin in na kholkhawm masa chiet un,” chi hi. Khristian gingtute khun I Mangpa Jesu Khrist nuazui masate’n ahing zilsah bang un Pasion Ni khu in it zaw uh hi. Thuhun Tha ah khun I Mangpa ngei in ahing tunding leh zilsah bang ngei in Pasion Ni khu nuazui masaten ana zui ua, tuhun ah eiten zong I zuitou zel ta uh ahi.

3). ISRAELTE LEH SABBATH DAN

Sabbath khu adih tah in Israelte a dinga pieh ana hi a, tuakhu Pasion leh Israelte kikal a thuhun khu ahi. Exodus 20:8-11- ah khun Sinai muol

a Mangpa'n Mosi kunga Dan Sawm apieh lai in Sabbath Ni hoitah a nit ding in thu ana pieh ahi. Israelte kunga Mangpa'n Sabbath toh kisai a Dan apiehna ah khun tam Sabbath Ni botse pouma thalia ding achi ahi. Exodus 31:12-18- , "...Koi hitaleh tam ni buosah pouma thalia tei tei ding' ahi. Koipou Khawlnei a nNasem pouma amite lah apat satkheh ahi ding ahi," chi in, Dan khautah ana pieh hi. Hitananleh, Sabbath Ni zuiding ahi chia gentute leh phuttu te khun Pasian in apieh Dan zuiding dangte anelsie ua, theimaw akipang ua, Kiginni pen bou khu a uong gen mama uhi. Aziehpén, koiman Mosi Dan azuibukim zousih ua, Mangpa genbanga umding hi u'leh Dan botse pouma shi teitei ding ahizieh uh ahi.

Sabbath Ni khu Israelte kunga pieh ahibang ua Dan dang teng zousie zong azui bukim uh poimaw hi. Tuazieh in, Sawltah Paul in Mosi Dan zuiding uong gente kungah "Teptante zousie kungah, dan zousie zuiding na bat ahi, chi kahing theisah kia ahi," achi ahi (Galatia 5:3). Sabbath Ni leh Mosi dan zui ding chite khun Mangpa thupieh Dan dangte azuizou sih ua, zui bukim theilou ding ahidan uh akithei zieh un Kiginni-Sabbath pen bou apibawl zaw uhi. Sabbath Ni a Nnasem pouma tha teitei ding ahizieh in tami pen agen ut ngai sih uh ahi.

Mangpa Jesu khun Johan 7:19- ah "Mosi in noute dan ahing pieh hilou ahiei mah? Hinanleh,

koiman dan na zui sih uhi..." achi ahi. Sabbath Ni a nasemte mai hilou in mei taw kha pouma zong tha ding hinalai uhi. Exodus 35:1-3-ah khun "...Koipou Khawlnei nnasem khu thalia ding ahi. Khawlnei a natenna inn te ua mei na taw lou ding uh ahi," aki chi ahi.

Sabbath Ni bou uonggen a Dan kipieh dangteng theimaw kibawlnei khun dihtatlouna, ginumlouna, thumanlouna leh zuoutatna azil sah ahi. Tuaziehin, Sinai muol a Israelte zuiding a kipieh Mosi Dan akhun hepina mawng-mawng apang kha sih a, tuazieh in Sabbath Dan khu hoitah a zuizoulou ahizieh un ashi teitei uh poimaw chi na ahi. Tuazieh in, Sawltah Paul in Galatia 3:10- ah " Dan nnasem a kinga pouma te pen 'gausapna' nuoi a um ahi uhi, aziehpén dan laibu sunga bawlinga kigiel zousiete zui zing lou pouma gausap in um uheh chi in a kigiel hi," achi ahi.

Tuabangma in, Jakob 2:10- khun " Mi koipou in dan zuikim henlen, munkhat ah zui la taleh dan zousie tunga khiel ahi ta veve hi," achi kia ahi. Mosi Dan dungzui in Israel mite kungah Sabbath Dan mai hilou in khiel ngaidamna ding in sisan suona zong phut ana hi uhi. Nanleh, sisan suona zong bawl tuonlou uhi. Hebru 9:22 "Tualeh dan dungzui in sil zousie sisan a suhsienghou in a um a, sisan suo lou in ngaidamna mawng mawng a um sih hi," chi kimu hi.

4). JESU KHRIST AH HEPINA A UM A DAN TAWPNA ZONG AHI: Mosi kunga dan ana kipie khu Jesu Khrist hing peina ding lampi sieltu ahidan etsahna ana hizaw ahi. Sawltah Paul in, Galatia 3: 23-25-akhun,”Ginna ahing tun masang in dan nuoi ah kep in ina um a, ahing kilang ding ginna ah khahkhum in ina um uhi. Tuaziehin, dan khu ginna zieh a siem itan theina ding un, Khrist kunga hing pui dinga eite hing hilpa ahi. Hinanleh ginna ahing tun nua in eite hing hilpa nei ah i umnawn sih uhi,” chi in kichientah in gen hi.

Tuaziehin, Mosi Dan khu Jesu Khrist hingpei masang a lampi hing hiltu maimai ahizieh in aphattuomna bangma a umnawn sih hi. Mangpa Jesu ahing peitah zieh in ginna zal in siemtansahna ahing i umta a, dan luite khu apoimaw nawnlou suoh hi.

Sawltah Paul in, Rom 3:20-ah,” Tuaziehin dan silbawlte ziehin, koiman Pasion mitmu a siemtang in a um sih ding uh, aziehpén dan zui ziehin khiel kiphawhna ahing um zaw hi,” chi hi. I Mangpa Jesu Khrist ahing peitah ziehin ginna zal a siemtang sah leh zalenna pieh ihita zaw uhi. Tuakhu gen in Sawltah Paul in Rom 8:1-3- ah, “Tuaziehin tu in vang, Khrist Jesu a um a, khelna dan zuilou a, Hagau dan a, umte ding in siemmaw tansahna mawng mawng a umnawn sih hi,” achi ahi. Ephesa 2:13-15- khun nidanglai a gamlapi a umte khu Khrist sisan zal in Pasion

in Khrist Jesu ah Ama toh ahing kinaisahta ahidan gen kia hi. Tuamai hilou in Rom 10:4- khun “Aziehpén agingta pouma a dingin Khrist khu dihtatna mun a dinga dan tawpna ahi,” achi ahi.

Tuaziehin, Sabbath Ni ahiei Mosi danlui zuina ah zalenna leh siemtanna a umthei sih a, Khrist gintatna ah ahizaw ahi. Rom 10:10,”Aziehpén mi’n alungtang un a gingta ua, dihtatna amu uhi, tualeh akam un apuong ua, hundamna amu zel uhi,” achi kia ahi.

Mosi Danlui a umsawmna pen suoh hahkol a awhna ahizing ziehin sapsietna zong ahi. Tuaziehin, Sawltah Paul in,”Tuaziehin suoh hinawnlou dingin Khrist in eite ahing zakensah ta hi, Tuachi’n dingdet unlen suoh hahkol ah awhkia nawn sih un,” chi in ahing gen ahi (Galatia 5:1-4).

I Mangpa Jesu leitunga a hingpei toh kizawh in Mosi danlui teng abeisieng ta a, zalenna imu ban uah agingtate ading in kumtawn hinna tanpha neitheina ahing hita ahi. Mosi danlui khun I Mangpa hingpei ding lampi hiltu ahibang in, I Mangpa Jesu ah Sabbath Khawldamna bukim imuta uh ahi.

5). Thukhum sin. Mngpa Jesu athawkia Ni, nuazuite kunga akilahni, Pasion thu agenn Ni, gingtu masate kikhopni Pasion Ni khu ei Khristian Gingtuten in zing uh poimaw mama hi. Mangpa’n hing guolzawl hen.

NA GAM HING TUNG HEN

Rev. Awnkhankhup

I Synod in tukum 2021 sung a Thupi ding a ana tel khieh 'Nagam hing tung hen' chi ahia, ahoi in a thupi mama hi. Sutdan leh gendan tampi a um thei tham ding a, ken zong ka thei dandan in kana sui sam a, tambang in ka gelkhie hi. 'Pasian gam' ahilou leh 'Vangam' ichi chieng in, Pasian vaihawmna mun, Pasian lalna mun leh athuneina mun china bang ahipe ding hi. Khovel lalgam dangte bang a a letdan leh agamgi te kigenthe thei leh kitethei ahisih hi. Thuhun Lui ah Pasian gam chi kammal akilang sih a, 'Mangpa Lenggam' hi khu munkhat ah ana kimu hi (I Khang. 28:5). Amabou, Pasian tungtang ah, 'na lenggam' chi kammal a kimu hi (Sam 45:6; 145:11, 13). Tualeh Daniel 2:44, 45 ah Van Pasian in 'Lenggam' a hing tun ding sawmthu imu kia hi.

Thuhun Tha ah 'Pasian gam' chi leh 'Vangam' chite akimu mun mama hi. Khantanhoi Mak leh Luk in 'Pasian gam' chi kamteng a zah zing lai un, Khantanhoi Mathiu in Juda lungsim put dan dungzui in Pasian min sulang khalou deu ding in 'van' chi azang zaw hi. Aziehp en Mathiu in Juda ten Pasian min a mawhna a genkhah ding utlou uh ahi chi athei zieh ahi. Bangteng hileh tam kammal niten a gen uh akibang veve ahi chi ithei ding uhi.

Pasian gam hing tung ding thu khu Mangpa Jesu thu zilsah lai mu ahi i chithe thei ding hi (Mt. 4:23; 9:35; Lk. 8:; 9:11). Jesu kam suoh ah 'Pasian gam' ahilouleh, agen tup kibang kammal te akilang mun mama a, Pasian gam a naitah dan thu khu a thugen masa pen ahi hi. Anuazuait e a sawlkhieh hun in zong, Pasian gam thu gen ding a sawlkhieh

ahi uhi (Mt. 10:7; Lk. 9:2; 10:9,11).

Pasian gam a naitah dan zong Jesu'n a gen zelzel hi. Khatvei ve thei chieng in Pasian gam a tungzousa bang in agen a, atung nailou bang in zong agen zel thou hi. Anuazuite kung a thunget ding dan a zilsahna ah zong 'Na gam hing tung hen' chi apang kha hi (Mt. 6:10; Lk. 11:2).

Pasian gam khu Pasian lalna leh vaihawmna mun china ahi chi in igen ta ua, tausang a thei bailam zaw deu ding a gen ding hita lei, Pasian deilam kisep khieh na mun zousie khu Pasian gam tunna mun bang in a kigenthe thei ding hi. Jesu'n thunget ding dan a zilsahna ah, 'Na gam hing tung hen' chi agen zou in, 'Na deilam Van a mi'n a bawl bang in, lei a mi'n zong bawl hen' chi in azui ngal hi. Van khu Pasian deilam kibawl na mun ahia, Van a Pasian deilam a kibawl bang a Pasian deilam kibawl na mun

zousie ah ‘Pasian gam’ atung thei a, innkuon, hattuom leh khotang ah zong atung thei hi. Tuaziehin Pasian gam hilchet dan bailam leh hoipen khu Ama deilam kibawlna mun ahi chilei, adih thei pen ding hi.

Israel ta ten Kanaan gam a valua chiil lai un, Zebulun leh Naphtali nam ten Mallam gam a tangkha uhi (Jos. 19:10-16, 32-33). Tam gamkai khu Leeng David vaihawm sung in khangtou in ma a sawn mama uhi. Hinanleh, a tapa Leeng Solomon shinua akipat Vaihawm tute hing kitup lou in, mumal lou tah in ahing umta uhi. Tuami hun lemtang a la in, BC 733 vel in Assuria Leeng Tiklak Pileser in gallah bang a hing la in, tam gamkai khu Assuria gam vaihawmna nuoi ah akoi a, Galili chi in a gam uh aminvaw sahta hi. Tuachi’n sal a puimang a um khalou Israel nam umkha sunte khu Assuria mi mun dang a hing kipan ten a tenkhum ua, tuabang a tengkhawm nam tuomte kal a hing piengte Samari mite akichi hi.

Jawlnei Isai hunlai BC 700 lai vel in tam gam Zebulun leh Naphtali mite luana gam kai khu Simmaw huoi ana hi a, Jordan gal a Zentelte Galili zong akichi hi. Tam mun a tengte khu khovah mulou a miel nuoi a gamta te bang gen in zong an um uhi. Isai in tambang gam a teng miten vah thupi tah a muta

ua, khovah a hing taangta chi in ana gen a, bang zieh e ichi leh, ‘Azieh pen ei ding in naupang a pieng a, tapa pieh in i umta hi’ chi in na gen hi (Isai 9:6). Siemmaw leh opbeh a um mi namte suohta sah a, a puohgih puohna uh hahkol leh a lieng zang ua zawl leh ama bawlse pa chieng sat tawng pieh ding in Messia (Khris) a hing pei ta a, agam vaihawmna leh kilemna in tawpni aneisih ding chi in ana gen hi (Isai 9:4-7).

Thuhun Lui ah Pasian in Mosi leh jawlnei dangdang te zang in mihingte kung ah thu ana genzel a, tuami nasep dan hing heng lamdang in, ‘tam ni nukhie ah a Tapa in eite kung ah thu ahing gen ta’ chi Hebrute 1:1, 2 ah imu uhi. Vansang apat lei mihingte kung a thugen zel pa’n, tu hun nukhie ah a Tapa Jesu Khris in thu ahing gen ta china bang ahi. Tam bang in Pasian gam ilah ah ahing tungta a, eima ah a umta chi itheithei ta uhi.

Lenggam tha a din ding chiengin Leeng masa pen ashi masah a poimaw hi. Juda mipi ten Kaisar chilou Leeng dang koima kanei sih uh achi lai un, Jeus’n amite a ding a Leeng ding a hing pei ahidan agen zom zel hi. Achiil apat Pasian in, keima loungal Pasian dang nanei ding uh ahisih anachi khu tu in ahing bawzui zel a, muthei ngei in alah uah hing um in, Immanuel Pasian ahina ahing puongta hi.

Humpi leh lawital ten zong a umna gamkai ua amau sang a hatzaw leh thuneizaw hing um ding deilou in shihuom in amelma uh adou zel uhi. Tuamabang in, i mihing lui tahsa deidan eima a um zing pen in, Pasion gam eima a hing tung tha pen deilou in nichin hunchin in adou zing hi.

Eima a Psian gam hing tung a, Pasion Hagau hing lua te pen gamtang theilou ding khop a i koi khah ding a zauhuoi mama hi. Tuazieh in i lungtang apat Hagau Siengthou deidan silhoi nasep semkhe ding inkisa va ui.

NANG IMU KHANGLOU IN

(Ephesa 5 : 13-14).

Upa. Khupsuankham

Paul in Ephesa mite kung ah vah leh miel kilahna khu Vah ahia, khawmiel mun ah vah a umsih leh mit in khuo amu theisih hi a chi hi. Dr. Kay in, “Paul in Isai 51:17 ; 60:1- pansan in, Pasion thu in Judate dan ah “Nang imu khang in” chi’n khodung-khovai ah pengkul mut in atangkou zel ua, tuami dungjui a Paul in, nou Ephesa mite pen khelna imutna pat in na khanglou ua, tu in pen Mangpa ah vah nahi tah zieh un vah tate bang in um un” achi hi. Koi zong Khrist panlouna mun khu akhanglou nailou mielnuoi a um bang ahi ua, Khrist vah in tuabangte khu a khanglou sah hi

(Eph.5:8)- a chi hi.

Thuhunlui lai in Pasion in khanglou ding in aphut a, (do it), Thuhuntha ah vang Pasion in akhanglou sah ding a (it is done) “Nang imu khanglou inlen mishi lah akipat thou in, tuachin Khrist in ang salvah ding hi”, ana chi hi. Tuaziehin, bang imutna mun apat ah e na imut ki ngaisut in.

1). Tangval hausa khat in Jesu kung ah, “Syepa hoi aw, kumtawn hinna ka neitheina ding in bang e ka bawl ding?” achi, Jesun akung ah, “Bang

dia mihoi nei chi e? Pasion loungal koima mihoi a umsih ; hinna na neinuom leh dan thupiehte zui in” . Tangval pan, “Bangpente e?” achi, Jesun akung ah, “Tuolthat sin, Aaangkawm sin, guta sin, theipitu dihluo in pang sin, na nu-le-na pa zatat in tualeh nangma na ki-it bang in, na innvengte na itt ding ahi”, achi hi (Mathiu 19:18). Tangvalpan, “Tamte zousie ka neulai a ka zuisa dimdiem ahita a, bang e akivat nalai” achileh Jesun, “Hoi bukim na utleh pei inlen na neisa zousie zua inlen mi gentheite hawmpieh in tuachin

van ah gou na nei ding a, tuachin hing pei inlen hing zui in” achi bep in tangvalpa akihemmang hieu hi.

Angkawmna, kingaina, thanghuoina, sienthoulouna, milim biehnna, bumna, kimuonlana, kihauna, thangsietna, lungthahna, huoihamna, kilangbawlana, kisolna, gintuomna, deigawna, uongtatna leh gamtatna dangdangte ahia, mite kung ah vazua lei ken zong kanei a lei utsing achi ding ua, ikhong zousih ding uhi, chi Jesun athei zieh in Kross ah eite ang khotuona zieh in ashipita a, ang ngaidamta hi.

Tuazieh in thupiehte zuikim zieh a kumtawn hinna tang ding hilei tangval hausapa in Jesu kung ah kumtawn hinna bang kachi neithe diei chin a dongsih ding a, dan zuibukim zieh a vangam luo ding hilou in Hagau Siengthou zieh a iluo ding uh ahibou hi (Mathiu 19:16).

2). Adam a imut a angui laitah in Pasian in anahgu khat ala a, Adam panpi ding in numei khat asiem a, asiemna san khu :

- Pasian in numei asiem khu Adam kung ah apui a, tuami ni khu Adam in nungah melhoi akhatvei muna ahia, chizat huoi asah zieh in WHY ? Bangchi dan e ? Chia akikou leh nungahnu zong zumseng kisa a, achimaw zieh in akhutmee in aha

akhoi chi gintat dan ahi.

- Numei khu Adam panpitu (helper) ding a Pasian in asiem ahia, Adam in ka nahgu a siem ahia, amin ding in Numei (Evi) chi ding ahi chin apuota hi.

- Numei khu Adam nahgu apat a kisiem ahia, leivui a siem ahilou zieh in numeiten leivui a siem leivuima suohkia ding chia laa asahlou ding uh ahi. Evan. Lalthantluanga athugenna khat ah “Numei in leivui asiem leivui suohkia ding chia laa asah leh numeiten tam bang a laa nasahlou ding uh, lei asiem hilou Adam nahgu asiem nahi bou uhi”, achi hi.

- Pasian in Adam nahgu a numei asiemna san khu, mihingte ding a ikeng leh ilutang lam a ding a alaikim (centre) ahi zieh in numei in a innsung ah ngiemseng a zong vaihawmlou a, sangtah a zong vaihawm senglou ding china ahi, chin misiemte genna ah iza uhi.

- Pasian in Adam nahgu 2 ala a, 3 ala a, 4 ala a achi sih a, khat ala a chi ahia, tam nahgu khat in a etsah bang e ichileh :

Leitung ah, hattuom sung ah zong kikkaikhawmna pawl min tampi a um a, tuate khu ipawl min uh (battalion) ahi bou a, Pasian hattuom khu khatbou ahia, ang kipatna khu Adam nahgu ahi.

LAI SIENGTHOU HING ZILSAH THUMNA

“Na Gam hing Tung Hen”

(Text: Mathiu 6:10).

-Pa Sianzakhai,

Shillong

1). THUMAKAI:

ZPCS (PCI) Hattuum in 2021. Kumpuon: “NA GAM HING TUNG HEN” chi deitel ahi dungzui in, tamte gasuo thei na ding in tami Khristian Tangkou laipeh ah tahlatna tukum sung Topic ding in ZPCS Hattuum Lamkai ulien vaihawm te’n Committee in ana namdet dungzui un Zou Presbyterian Hattuum umna munchi’n ah thumang tah in kizui chiet hi.

Tami thupi deitel Jesu’n Anua zuite kuo ana hil leh zilsah THUMNA kamteng khat ahi. Hundampa Jesu in anua zuite Thugensiem ding dan ana zilsah lou in Thumding dan ana zilsah zaw hi.

Nungzuite leh Thumna Thupi ding a guon ahi toh kitawn in, Thumna toh kisai Laisiengthou hing zilsahte leh thum mite thugen tuomtuom tam lou houlim ding ka lung gul hi.

2). Thumdan chi tuomtuom tampi a um hi:-

2.i). Mithei lou in (Mat. 6:6). 2.ii). Inkuon in (Nas. 10:2,30). 2.iii). 3. Ahon in (Matt. 18:20). 2.iv). Mipi

lah ah (1 Kor. 14:14-17).

3). KHENTELNA

3.i). Phatna. (Dan. 4:34,35). 3.ii). Thupha Tawina. (1 Johann. 1:9). 3.iii). Kipumpiehna. (1 Tim. 2:1-3). 4.iv). Thu Ngetna. (1 Tim. 2:1-3). 3.v). Kipah Thugenna. (Phi. 14:6)-chite ahi uhi.

4). MIMAL THUMNA POIMAW DAN:

4.i). Lungtang Siengthou a thum. (Ps. 66:18,19). 4.ii). Gingtatna toh Thum. (Mt. 21:22). 4.iii). Jesu min a thum. (Jn. 14:13). 4.iv). Pasion deidan a Thum. (1 Jn. 5:14). 4.v). Ngaidam utna Lungsim. (Mt. 6:14).

4.vi). Ki ngiemkchiehna leh Kisiana. (Lk. 18:10-14). 4.vii). Gingtute Kithutuona. (18:19,20). 4.viii). Kukal tah a Ngetna. (Lk. 11:5-8/18:1-8/Mt. 7:7-11). 4.ix). Lametna. (Mk. 11:24). 4.x). Thu Tampi hilou. (Mt 6:7). 4.xii). Tawplou a Thum. (1 Theso. 5:17).

5). THUMNA DAL TUTE:

5.i). Khelna (Ps. 66:18). 5.ii). Angsialna (Jacob 4:3). 5.iii). 3. Ginglelna (Jacob 1:5-7). 5.iv). Thumanglouna (Pro. 28:9). 5.v). Mot Tatna (Pro. 21:13). 5.vi). Kiletsahna (Lk. 18: 11-14). 5.vii).

6). THUMCHIENG A UMDAN:

6.i). Ding/Standing (Neh. 9:5). 6.ii). Khupdin/Kneeling (Ezra. 9:5). 6.iii). Tou/Sitting (1 Kor. 17: 16-27). 6.iv). Kuun/Bowdown (Exo. 34:8). 6.v). Khut kituh/Joining Hands (1 Tim. 2:8).

7). THUM MITE THUGEN:

7.i). James Hudson Taylor: Thumlou a nnasem tampi ka mu hi, hinanleh Thumna nei mi nnasem lou kamu ngei sih hi. 7.2). W.S. Bowd: Thumna ki chi hatlouna bangkim bolthei Pa tung a kinga ahi. 7.3). C.H. Spurgeon: Thum tam seng chi um ngai lou ahi. Asau pi thum sang in a bukim zaw in. 7.4). Oswald Chamber: Thumna in nnasepna, thupi tah sepna ding a hing thuom hi lou in, Thumna ichi naa Thupi tah khat ahi. 7.5). Andrew Murray: Hattuumte Thum ding a thathousah

thei mi in Khovel a Tangthupha Phuonzahnan nnasep ah Athaw lien pen hi. 7.6). George Muller: Dakal chin in kalup, ka thaw,ka lam-pei kawn in zong ka thum zing hi. 7.7). John Bunyan: Thumna in mi khelna atawpsan sah a, ahi lou leh Khelna in mi Thumna a tawpsan sah hi.

7.8). ANONYMOUS: Hattuum te'n Pastor hoizaw adei uleh, tua a Local, Biel enkoltu Pastor pa ading in ha thum in thumpi zaw u'hen. 7.9). Allen E.Vartlett: "Seven Days without Prayer Makes One Week". 7.10). Paul: Setan in Gingtute thumlou a asuhbuai thei chie alungkim in akipah mama hi. 7.11). Corrie Ten Boom: Thumna nei ut chou chie thum giep lou in, Pasian toh kihou/kimu na ding hun lakhie in, daily routine zui in, mi akhupding a Thum chieng in hagau in thuom in Silbol thei na anei pan hi. 7.12). E.M. BOUND: Thumna mopuona alou thei lou a ngaituo ding hi lou in, Hamphatna zat phattuom ding ahi zaw hi. Koi ahei in Pasian a ding mi ahoup i leh sil thupi bol ahi, hinanleh midang ading in Pasian ahoup i pen thupi zaw tham hi. Khristian te lah ah Gospel/ Pasian thu hat lou pen in Thumna anei Setan in amu chieng in jau in achi tunn hi. 7.13). Chuck Smith: Mi Piengtha in abawl thei Poimaw pen khu THUMNA ahi. 7.14). Martin Luther: Zingkal chie dakal 2 ka thum zou lou chieng in, Setan in sun nitum in ang suhbuai hi. Sepseng lou di nnasep ka nei chieng in dakal 3 tan thumlou in ka

um thei sih hi. 7.15). A.J. Gordon: Na thum chieng in thumna sang a sil thupi zaw na bol thei a, Na thum lou chieng in Thumsang a thupi zaw bol thei na nei sih hi. 7.16). E.M Bounds: Sil poimaw ‘4’ Thei gige in:- 16.1). Pasion in Thumna aza hi. 16.2). Pasion in Thumna bildoh/ ngaikhie hi. 16.3). Pasion in Thumna dawng hi. 16.4). Pasion in Thumna in apekhezal hi.7.17). The Kneeling Christian : Loching Louna chi Thugu

ahi leh Thumzaw zou lou na zieh ahi.

8). Asinkhupna:-

Pasion Gam ki chi nang-le-kei kung a um ahi, eite tung a kinga ahi. Nang kuo, Na innsung ah, Na inveng ah, na hattuom sung leh khotang sung a Pasion gam umsa pen theisiemna toh atha a Pasion gam tung sahtu hi thei chiet ding in Pasion in simtu zousie guol hing zawta hen.

KHOCHIN SAWMAKHAT SUN DAN

1st November 2020 to 30th June 2021

01 Central District		49,89,237
Aina	2,20,284	
Awnchinkap Khuo	82,391	
Central Church	26,25,681	
Hatching Sion	57,980	
Manniang Khuo	98,228	
Nungshai	17,700	
Sabuol	22,730	
Tuilaphai	59,770	
Zomi Colony	18,04,473	
02 Lentang District		25,86,985
Bohlui	36,450	
LDCC Hiangzou	2,81,716	
New Zoveng	40,957	
T Daijang	1,62,088	
Tuibuong	19,92,185	
Zoumunnuom	73,589	

03 Lamka District		65,06,333
D Phailian	1,18,240	
Immanuel Khopi	4,60,275	
Kanan Veng	7,86,614	
Lailam Veng	30,95,079	
M Muoltam	70,570	
P Khupgou Veng	5,350	
Thingkangphai	9,72,298	
Tongdam	7,89,743	
V Bethel	46,029	
Zomi Bethel	1,35,325	
Zoumun	26,810	
04 Imphal District		20,53,156
Imphal	20,53,156	
05 Tuining District		7,24,805
Kuvan	21,480	
PN Khovong	90,833	
Tuining	5,21,322	
Zomi Zion	91,170	
06 Suolam District		8,53,268
Moreh Gamnuom	39,050	
Moreh MEP	45,557	
P Salem	44,000	
Sugnu	7,04,351	
T Zion	20,310	

07 Gunpang District		8,85,487
L Gangpimuol	47,620	
M Khawluol	85,032	
N Khaukuol	1,76,160	
Saiboh	63,690	
Talnuom	24,365	
Teisajang	1,06,475	
T Munnuom	3,82,145	
08 Singgat District		14,10,928
Hiangtam K	70,855	
Maukot	68,478	
Mawngken	49,065	
Munpi	11,420	
Muoljin	17,720	
P Suohzahau	15,390	
Singgat	5,47,925	
S Muvanlai	46,361	
Suongkuong	6,300	
S Vengnuom	1,41,423	
Tangpijol	2,32,171	
Tuimajang	3,870	
Zoukhonuom	1,99,950	
09 Zoutang District		9,37,347
Belpuon	1,37,000	
Buhsau	36,128	
Buongmun Lamkhai	12,235	
Hiangmuol	36,270	
M Buongmun	57,360	
Muollum	5,88,514	
T Khajang	69,840	

10 Tuivai District		6,40,973
Behiangjang	2,76,223	
Behiangtung	10,000	
Hiangtam B	1,64,847	
Hiangtamjang	1,59,773	
Lunjang	24,330	
Tonjang	5,800	
11 Outside State & Others		26,01,034
Bengaluru	4,66,616	
Chennai	1,49,653	
Delhi	12,03,726	
Mangjing	39,450	
Paspati	4,800	
Shillong	7,36,789	
Tu tan a Sawmakhat kimu zousie		2,41,89,553

.....

NGETNA LEH THEISAHNA

Pasian lungsietna toh kum kimkhat i tung tou kiata ua, tam tan a hing puitu i bieh Pasian kung ah lungdam thu i tut uhi.

Tu kum Covid-19 second wave zieh in Biehinn kai theilou i hi ban uah Sunday School kikai theitalou ahizieh in Piching Sunday School pen Pasianni chin 11:00am chieng in Online a hing hakhiet zel ahia, koipou in i Synod Youtube Channel apat ana en in phattuompi sawm chiet va ui.

A et theina link:

<https://www.youtube.com/c/ZOUPRESBYTERIANCHURCHSYNOD/videos>

Suunna

UPA M. DONGZALAM, ZOMI COLONY



Upa M. Dongzalam @ D. Munluo khu
Upa M. Chinkham, Chief of Zomi Colony
leh (L) Upanu Manniang tate sagi lah ah a
lina ahia, 21st June 1966 in Bohlui khuo ah
a pieng hi. 18th May 1993 in a ji ittah
Nu Chingngaikim toh ana kiteng ua, tapa-3 leh tanu-3 anei uhi.

Kum 1986 in Assistant Teacher, ADCC ah appointment mu in tuni
tan in Allusingtam JB School ah Headmaster a sem hi.

Tualeh, Chinkham Modern High School Founder ahi.

Kum 2017 in Presbyterian Church of India, Zomi Colony (MGP)
Hattuum Upa ding in telching in a um a, 5th November 2017 in
MGP Khawmpi ah Upa Khuplam, Moderator khut apat Ordination
ana tang hi.

Hattuum a a kizahnate:

Local ah: Local Silver Jubilee (2014) ah Souvenir Editor ana hi a,
2018-2020 sung Local Treasurer a kizang in 2020 in Local Secretary
ahiban ah tu leh tu in zong Mission Board Treasurer hina a tuh laitah
ahi.

Presbytery Level ah: Kum 2017-2018 in MGP Secretary (Jr) apuo
a, kum 2018-2019 in Secretary (Sr) apuo hi.

Synod Level ah: Zou Presbyterian Church Synod ah zong a theitawp
in a kizang a, 2017 in Education Committee Secretary ahiban ah
2020-2022 sung a ding a Synod Executive Member ahi hi.

Tualeh MYCA ah Assistant Secretary in 1991-1992 sung ana pang
hi.

Tambang hinkhuo a zah lai in sunglam natna zieh a hun sawttah etkol
ahia, Phailam tanpha ah theitawp suo a etkol hinanleh damzouta
lou in 3rd June 2021 (2:40am) in a nna a sepsahpa Pasion kung a
tawldam ding in ahing muolliem santa hi. Pro. Pastor Suangliankep,
Central District Pastor in Zomi Colony hanmuol ah vuina a neita hi.



Suunna

UPA ENKTHOTHANG MATE

Chief of New Khaukuol

(L). Upa Enkthothang Mate ahileh (L) Pu Selkhokam leh (L) Pi Phalzavung te goutan ta sagi (7)- lah a, alina (4)- ahia, May 16, 1935 in Old Khaukuol khuo ah apieng hi. Kum 1995 in tua tenna khuo New Khaukuol ah a pmlut a, tuami kum mama in Sepoy (Assam Regt)- ah ana lut hi. Kum 1957 in a zi (L) Pi Vungkhanngai toh akiteng ua, goutan Pasal 5 leh Numei 2 anei uhi. Vangsiet huoitah in a senzi in a beisan a, tuazou in Pi Mandeiniang toh akiteng kia ua, goutan ta Numei 3 aneikia uhi. Aman sanggam pienpi guh (6) anei banah, Pasian guolzawlna a tute Pasal 12 leh Numei 16 a melmu man hi. Tualeh, min tap li (4)- zong anei hi.

Kum 1999-in MEP 35th Session, Sangaikot mun ah Hattuum Upa ding a Ordain in aum hi. Tualeh kum 2001 in Presbytery (MEP) Moderator mawpuohna piehin ana um hi. Aman sanggam pienpi guh (6), anei a, ta swm (10)-aneia banah ah, Pasian guolzawlna a tute Pasal 12 leh Numei 16 a melmu man hi.

Tualeh, tahsa hatlouna ziehin March ha in doctor kizensan in tuachiin a natna “Lung Cancer” ahi chi theichien ahia, inn mun ah etkol thei dandan a jentou ahilai in dated 13-06-2021-nitah in hing buoisie in nai 11:00pm in tam leitung hamsatna leh genthei nate thuoh nawnlou dingin ahing na muolliemsan ta hi. Dated 14th June nin N. Khaukuol ah vuina vaiguon nei in um a, Local. District, MEP leh Zou Synod lamkaiten zong uop un Rev. P. Ginzalal bieltu pastor in N. Khaukual hanmuol ah vuina nei hi.



Suunna

UPA SUONKHOHAU ATANCHIN TOMKIM:

Phamsa Upa Suonkhohau ahileh phamsa Pu Khaizakham leh Pi Donchiin te ta lah a anina ahia, kum 1957 in ana pieng hi.

Aman pienpi sanggam Pasal 3 leh Numei 4 anei hi. Nisim 10/04/1972 in Rev. Khupdoukham khut ah Baptisma ana tang hi. Kum 1972 in Pasion ah pienthana ana nei hi. Nisim 03/08/1992 in azi iit tah Nu Khupngaiman toh ana kiteng uhi. Nisim 05/11/2017 in Upa Ordination ana tang hi.

Ama ahileh Hattuom a thanuom mama mi ahi a, Chowkidar, Naupangte puitu, chite ana hiban ah Zoutang District ah PYF- Leader leh Secretary zong anahi ngai a, tu-le-tu in zong Zoutang District ah Chairman apan laitah ahi. Aman, ta pasal thum leh tu guh a melmu man hi. Hunsawttah, damlouna nei a etkawl ahinua in apeisa dated 24th June 2021 nin ahing na muolliemsan, Buhsau han muol ah Rev. Khamchinkhai, Sr. Executive Secretary in Pastor mawpuohna teng la in June 25, 2021 in vuina anei hi. A nuasiet a innsung mite, hattuumte Mangpa Pasion in umpi in mapui zingta hen aw.

.....

ZPWF Column:

May 31, 2021 to June 22, 2021 tan a TUNNU LIMBEL PANPINA PETE:

1. PWF Imphal, Anntang tang	Rs.	4,300
2. Thangneihau, M.Mualtam	Rs.	100
3. Chingnei zou, Tuibuang	Rs.	50
4. PWF Teisaljang, Anntang tang	Rs.	5,000
5. PWF S.Vengnuam, Anntang tanga	Rs.	2,400
6. PWF Singngat, Anntang tang	Rs.	5,000
7. Chiinmuankim, Central Church	Rs.	1,000
8. Donneiching, Central Church	Rs.	500
9. PWF Zomi Colony, Anntang Kg.116	Rs.	110
10. PWF Tuibuang, Anntang Kg.120	Rs.	360
11. Chinkhansuan, Tuining	Rs.	50
12. Chingboi, Tuining	Rs.	50
13. Upa Ginsuankhai, Tuining	Rs.	150
14. PWF Delhi, Anntang tang	Rs.	5,000
15. Nousuanching, Central Church	Rs.	500
16. Muangneilam, Central Church	Rs.	5,000
17. Niangpi, Zomi Colony	Rs.	3,000
18. C.Vanlalruata, Delhi	Rs.	3,100
19. Ginmalsawm, Tuibuang	Rs.	500
20. PWF Shillong, Anntang tang	Rs.	3,000
21. PWF Tuining, Anntang tang	Rs.	1,500
22. Dimneiching, Central Church	Rs.	1,000
23. H.Kapneithang & Family, Central Church	Rs.	3,150
24. PWF Mangjing, Anntang Kg.60		
25. PWF Manniang khuo, Anntang Kg.31		
26. PWF Chennai	Rs.	2,000
27. Mrs.Niangmuanching w/o Rev. Mangmuanthang Double Mask -30pc. leh Oximeter 1		
28. Pa Mangsuantung & Family, Thingkangphai Anntang Bag 1, Chini 5 kg, Chi 5 kg, Chapati bom 2, Daal 5 kg, Annkam thau 2L		
29. Jenny Chingdeikim, Ldcc Hiangzou (Ginna thuchiem)	Rs.	500
30. Chiinneimoi, Ldcc Hiangzou (Ginna thuchiem)	Rs.	200
31. PWF Khawlmual, Anntang tang	Rs.	2,400
32. Kamkhogin, Central Church	Rs.	500
33. Sye Goukhenmung, Muallum	Rs.	500
34. Rev. H. Nengzatun, Central Church	Rs.	1,000

Petu zousie Mangpa'n hing guolzawl taken. Adihlou khate Office a suhdih thei zing ahi.

PATRON MEMBER-TE

- | | | | |
|---------------------------|------------------------------|-----------------------------|--------------------------------|
| 1. Upa Gouzamang | 2. Pu Hav. Khamchinkhup | 3. Pu Khamzalam | 4. Pu Chinzasuan |
| 5. (L) Upa Liansuanpau | 6. Pu Khamchinthang | 7. Pu S. Dalthang | 8. Upa Kapkhanthang |
| 9. Upa Langginmang | 10. Upa S. Nangkhanlal | 11. Pu S. Lamkthoang | 12. Upa Dr. M. Lachinkhai |
| 13. Upa Khamchinjam | 14. (L) Upa D.K. Manlun | 15. Upa Suankhanmang | 16. (L) Upa Khupgou |
| 17. Upa Chinkham | 18. Upa Ngulchinkham | 19. (L) Rev. V. Vungzalian | 20. Rev. Retd. Kamkhosoi |
| 21. Rev. Retd. Tualzachin | 22. Rev. (Rtd.) H. Nengzaton | 23. Rev. Awnkhanhup | 24. Rev. Dr. Hangpi Manlun Zou |
| 25. (L) Pu Tuanzapau | 26. (L) Rev. Ginchinjam | 27. (L) Rev. Khamzasuan | 28. Upa T. Lamkthoawng |
| 29. Upa Khaichinmang | 30. Rev. Stephen Chinzathang | 31. Pu Khupkhanmang | 32. Pu Khaidohlian |
| 33. (L) Hav. Khamzahang | 34. Pi Vungzanuam | 35. Pu T. Gouzadou | 36. Upa Liensuonkap |
| 37. Pi Zelkhochiin | 38. Pi Hatkhanvung | 39. (L) Pi Ngaihoiching | 40. Pi Mankhannieng |
| 41. Pu Goukhanmang | 42. Pi Chingzalam | 43. Pu S. Thianzakhai | 44. Pi Kamkhanching |
| 45. Pu Haukhanpau | 46. Pu Tuallianmang | 47. (L) Pu Dongkap | 48. (L) Pi Chingkhanmang |
| 49. Pi Donkhoneian | 50. Upa Henzakhup | 51. (L) Pu Saichinpau | 52. Pu Goumang |
| 53. (L) Upa Khamkhanhang | 54. Shie Laangkhanlal | 55. Pu Khamkhanlun | 56. Upa L. Tualkhanpau |
| 57. Upa Jamsianmung | 58. Upa Ginzadong | 59. Pu Kaizathang | 60. Pi Goizanuom |
| 61. Pi Thangneivah | 62. Pu Khamzathang | 63. Pi Donchin | 64. Upa Liankhanmang |
| 65. Pu Hauchinlun | 66. Pu T. S. Lal | 67. Pi Goichiin | 68. Pu T. Khupchinthang |
| 69. Upa T. Kaizalam | 70. Pu Paul Henkholal | 71. (L) Pu Soikham | 72. Rev. P.C. Manga |
| 73. Rev. Khamchinkhai | 74. Rev. Jamlianpau | 75. Rev. Chinzapau | 76. Rev. Retd. Kamkhozam |
| 77. Upa (L) Chinpu | 78. Pu Zamkhanthang | 79. Pu Chinglen | 80. Miss Chinhaunieng |
| 81. Upa P. K. Soia | 82. Pu Goukhai | 83. Pi Niangkhanmang | 84. Evan. Retd. G.L. Joshya |
| 85. Pi S. Chingkhanmang | 86. (L) Pu Vumchinkhup | 87. Upa Khaihenthang | 88. Upa T. C. Pau |
| 89. Upa Nengchinkap | 90. (L) Upa Jamkhongam | 91. Upa HT Manga | 92. Mrs. Vahkholhing |
| 93. Pu Hauliankap | 94. Pi Chinnu | 95. (L) Upa Ngulzakhai | 96. (L) Upa T. Gougin |
| 97. Pu Ginsuanhau | 98. Upa (L) Langminthang | 99. (L) Rev. David K. Samte | 100. Upa T.S.K. Samte |
| 101. Upa S.K. Khama | 102. Pu Jamkhopao | 103. Pu Thatang Taihul | 104. Pu Kamkhankap |
| 105. Bhim Prasad Ghatani | 106. Rev. M. Kapsuanthang | 107. Nu Chingneikim | 108. Rev. Khupkhansuan |
| 109. Pi Mannuamching | 110. Rev. Kaimuanlal | 111. Upa Nengkhanlian | 112. Nh. Deborah Zou |
| 113. Pu T. Kuppa | 114. Rev. (L) Mangsuanthang | 115. (L) Pu Lamchinhou | 116. Upa Pauchinlel |
| 117. Nu Kimneihoi | 118. Upa Kamgenpau | 119. Nh. Niangsuannuam | 120. Nu Ngaikehanvung |
| 121. Pu P. Sanjiv Zou | 122. Upa M. Kaichinkham | 123. Upa T. Sianchinpau | 124. Upa Sianzahau |
| 125. Pu L. Thenkhosoi | 126. Pu Kamsuanhang | 127. Upa Th. Kaikholam | 128. Upa Lunchinthang |
| 129. Pu P. Tongthang Zou | 130. H. Nehzamang | 131. Pu Thangsuankhup | 132. Upa M. Kamzadou |
| 133. Pu Jamkholian Munlao | 134. Pu Sianzakhai | 135. Upa Thangginsuan | 136. Pu Kapminlun |
| 137. Pi Tingzavah | 138. Dr. M. Limlunthang Zou | | |

LIFE MEMBER-TE

- | | | |
|----------------------------|--------------------------|-----------------------|
| 01. Upa (L) T. Khupkhenpau | 02. (L) Pu M. Ginzahau | 03. (L) Pu Selzapau |
| 04. Pu L.C. Pautungnung | 05. (L) Pi Khamkhannieng | 06. Pi Ngaiunuom |
| 07. Upa Chinsuanthang | 08. Upa Shanti Kumar | 09. Pu Kamkhohau |
| 10. (L) Pu Khamkhohau | 11. Upa Khamzathang | 12. Upa Chinkhanthang |
| 13. Pu (L) Tongzathang | 14. Pi Chiinneilam | 15. Upa Kulthang |
| 16. H/Sm. Upa Kaichinpau | 17. Pi Niangzalam | 18. Upa P. Doukholun |
| 19. Pu Kapminlian | | |

Undelivered

Please return to:

The Editor

CHRISTIAN TANGKOU

ZPCS Office, Zomi Colony

Churachandpur - 795 128

P. O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
